

古今名劇合選

★ 今本劇合編

新鐫古今名劇酬江集

沽酒遊春

明王九思著 孟稱舜評點 劉啓胤訂正

唐肅宗擢用文臣 曲江媼不識詩人

正目

岑評事好奇邀客 杜子美沽酒遊春

楔子

正末扮杜子美上天門日射黃金榜春殿晴薰赤

羽旗宮艸霏霏承委珮爐烟細細駐遊絲雲近蓬

萊常五色雪殘鵲已多時侍臣緩步歸青瑣退

劉瑾以擴
充政務爲
名諸翰林
悉出補部
屬王敬夫
其鄉人也
獨爲吏部
文選會瑾

敗謫同知
壽州敬夫
有雋才尤
長于詞曲
而傲睨多
脫疎人或
譏之李文
正謂敬夫
嘗譏其詩
御史追論
褫其官敬
夫撰此劇
詈之遂不
復用云○
此劇雖雋
自喜而仍
不失渾厚
之氣固應

食從容出每遲小官姓杜名甫字子美本貫杜陵
人也方今大唐御世肅宗卽位改元至德二載蒙
主人聖恩拜我爲右拾遺之職喜得三月初間官
閒無事正好飲酒作詩不知何處可以遊玩也呵
仙呂賞花時這的是一代中興千載難四海謳歌百
姓歡爲官職得清閒青春較晚也不知誰家數去酒
杯寬下

第一折

副末扮岑評事上云西掖重雲開曙輝北山疎雨

與勝國諸名家伯仲
何元朗云康對山詞
跌宕然不及王蘊藉
如遊春劇雖金元八
猶當北面何况近代
諸本首折無岑參
及岑秀才口白今覓
得餘姚孫氏藏本于
每枝曲下皆有問答

點朝衣千門柳色連青瑣三殿花香入紫微平明

端笏陪駕列薄莫垂鞭信馬歸宦拙自悲頭白盡

不如岩下掩荆扉小官岑參是也見爲大理寺評

事前日在朝中與杜子美先生言及漢陂泛舟之

樂杜先生許我待官閑無事同去賞玩一遭今蒙

聖人賜百官賞春恩假索命舍弟岑秀才將請書

去請他與他約在第三日同赴漢陂泛舟岑秀才

在那里秀才有在此副末你將這請書請杜拾遺

先生去說道家兄特命小生奉請先生至第三日

語較爲安
當特改從
之

同往漢陂泛舟千萬撥冗一行秀才領命下正末
上小官杜甫是也今奉聖人賞春恩假分付家僮
准備下沽酒青錢明日往城南遊玩一迴外邊看
有人來報俺知道童理會得岑秀才上小生岑秀
才是也奉家兄命請杜先生走一遭去可蚤到了
也琴僮正在門首你道岑秀才來下請書僮報科
正末道有請僮有請做相見科秀才家兄特命小
生奉請先生第三日同赴漢陂泛舟正末這是數
日前令兄與我約下的足下不必再來相邀我明

日先去曲江池遊賞待令兄車駕到曲江卽同赴
漢陂去也秀才先生抱經濟之才當位極端揆致
君堯舜怎生蹭蹬到於今日正末小官自幼讀書
要與朝廷出力端的要致君堯舜上再使風俗淳
不料舉進士不第天寶十三載明皇主人在御會
獻大禮三賦明皇主人甚是稱賞使我待制集賢
院後除我叅軍之職只想與朝廷建功立業不幸
天下有事蹭蹬到今日莫非是命也呵

仙呂點絳脣 奮志乾坤致君堯舜閒評論稷契何人

要與他相攀引、

混江龍想着我少年時分讀書萬卷筆通神、那時節
李邕識面、王翰爲鄰、兩手要扶唐社稷、一心思畫漢
麒麟、誰承望、天邊黃閣隔千峯、不覺的鏡中白雪盈、
雙鬢、辜負了兩朝帝主、空憂了萬國黎民、

秀才人都說開元年間海內太平、却怎生得恁地
來、正末想着那開元年間明皇主人用了那些好
宰相、致的海內太平、真箇是紫極臨關、天地闢黃
金臺、貯俊賢多、我略說一遍、咱

油葫蘆四海安危繫宰臣。恰不曾錯用了人。想着那
鳳凰、鴉鵲不同羣。有一個姚元之扶得朝廷穩。有一
個宋文貞撥得天心順。那時節風雨又調。日月又新。
邊塵不動。蠻夷又順。端的是四海一般春。
天下樂張相國從來德望尊。但有個條陳似扁鵲。真
韓相公的諫諍。又頻太上的依隨。又緊因此上得
從容過了幾春。

秀才後來可怎生那等不太平。呵正末明皇主人
後來用了那李林甫做宰相。他是個奸邪小人專

一嫉賢妬能壞了朝政他雖是死了後來禍亂都
是他畱下的我也略說一遍咱

那吒令後來用了那小人蒙蔽了主君害了那細民
養活他已身惹了那叛臣番騰做禍本想着那安祿
山排着兵陣攘起那風塵

鵲踏枝說殺俺大唐君走出這未央門林甫奸邪你
原來是廊廟尊臣着緊遺下這病疾那些個是二十
年臺閣絲綸

說音下

寄生艸他空皮袋無學問惡心腸忒忌狠笑吟吟掌

定三台印慢騰騰送了千人俊亂紛紛造下孤辰運
喫緊的把太真妃送在馬嵬坡唐明皇走入盆門鎮
秀才自明皇主人幸蜀之後日月昏霾江山破缺
曾見先生哀江頭之詩令人傷感萬倍正末自從
明皇主人往成都去了我曾到曲江池上則見那
胡塵滿眼宮殿蕭條春光依舊物是人非真個好
傷感人也呵

邨裡近鼓遙望見九重宮殿都做了一天愁悶你看
那帝子王孫一個個有家難奔這的是日月昏霾江

山破缺、憑誰整頓、我見了、這細柳、新蒲、想起那蜀門、
劍閣看了、那江樹、野雲、天、那你便是鐵石人也、心酸
淚滾、

秀才先生詩云杜陵野老吞聲哭此却是實事呵

元和令正末我要哭來却又吞待住呵恐難存滿城
中胡馬似雲屯這些個羊犬們東奔西掠各成羣誰
知有帝王尊

上馬嬌你看那百姓們逃賢士們隱十戶九空門那
賊呵心腸毒狠偏生忿太不仁殘害了些好忠臣

勝葫蘆凝碧池頭絃管紛。憔悴不堪聞公子梨園容
貌損霓裳調寢羽衣誰問思量殺太平君。

么花落空宮春閉門風雨鎖黃昏我竚立江頭還自
忖這場危困幾回評論李林甫是根因。

秀才這場禍亂不知怎生得平定來正末這場禍

亂賴功臣郭子儀等以次平定肅宗主人在靈武
卽位復了宮闕將明皇主人迎入大內端的是乾
坤再造日月重明周宣漢武今王是孝子忠臣後
代看

后庭花。假若是顯中興千載勳。也須索刻磨崖一代。
文。若不是洗兵馬銀河淨。怎能勾望宮闈玉輦塵。我。
子見瑞氤氲喜子喜。天開景運避風雷。胡氣寢撫乾。
坤龍座穩蓬萊殿。五色雲紫宸朝萬國臣。賞名園桃。
李芬。買長安麴米春。

青哥兒。呀我是個文林文林豪俊。常與那帝王帝王。
親近。怎做的富貴粗豪那樣人。玉笋銀盆翠袖紅裙。
列鼎重裯炙鳳炮麟。他們都伎倆全無二三分空皮。
囤。

秀才聖人在上天下太平賢者在位能者在職先
生廟堂之器經濟之才不久當遂心也正末自家
思量年紀四旬有餘每日家隨衆趨朝因人成事
上無益于朝廷下無功于百姓這的是衰職全無
一字補許身媿比雙南金平日的志氣幾時能勾
遂心也呵

寄生艸我呵日晏歸青瑣平明上紫宸衣冠笑惹天
香潤雲霄只尺天顏近笙簧瀟洒天風順這的是鳳
凰池上侍臣朝怎能勾麒麟閣上功臣分

秀才小生告辭先生回家兄話去也是必第三日
後光降小莊咱賤兄弟謹當拱候正末生受秀才
多多拜復令兄弟三日定索在曲江池相候也吟
秀才下正末今日天色已晚明日往城南遊玩一
遭兀的長安城中一段好晚景也呵這的是秦城
樓閣烟花裏漢主山河錦綉中

賺煞花片御溝紅樹色瓊樓近使碎了濃胭淡粉我
子見萬點楊花風外滾恰便似半空中瑞雪繽紛近
黃昏畫閣朱門想着那芍藥闌邊翡翠裙愛梨花酒

風月溫存
用得妙

醇。又子怕海棠春褪。他把這錦長安風月巧溫存下。

第二折

〔淨扮賣酒姑上〕二月已盡三月來，漸老逢春能幾回。莫思身外無窮事，且盡生前有限盃。妾身賈婆婆的是也。在這曲江池上開着一個酒店。見前日杜子美在此飲酒，因無酒錢，他將一領朝衫當下今日壓下新酒，看有甚麼人到來。〔發科了〕下。〔外扮酒客上〕馬上誰家白面郎，臨街下馬坐人床。不通姓字，龔豪甚，指點銀缸索酒嘗。小人衛大郎是也。